

Sizgauh buen daeuj aen laeuz caengz daihcaet neix youq ndaej haemq nanz lo, de lij caengz roxnaj saek boux, aenvih moix ranz vunz haiejok cungj gven dou.

Miz haet ndeu, daxmeh doiq Sizgauh naeuz: “Yah mwngz naengh-ndwen ndaej 10 ngoenz lo, caengz ndaej gwn gaeqdoj gvaq, mwngz bae cawx duz gaeqdoj ndeu ma ba.” Sizgauh naeuz: “Meh, gou mbouj rox cungj gaeq lawz dwg gaeqdoj, lijdwg mwngz bae cawx ba.” “Huk mwngz, vunz gwnzmbanj dawz daeuj gai dingzlai dwg gaeqdoj. Gaeqdoj bwn lai lwenq, gaeqswzliu bwn lai myox. Vaiq bae cawx.”

Sizgauh daeuj daengz gwnz hangzgaeq, lauh bae lauh dauq, yawjraen bouxgaigaeq cungj dwg ndangdaenj ndeindaep, mbouj dwg vunzmbanj. De naemj, gizlawz miz gaeqdoj gai ha? Cingq youq seizneix, Sizgauh sawqmw h raen miz goenggeq ndeu doi danci doz roengq gaeq ndeu haiej haw daeuj, de sijsaeq yawj, raen danci myaexmyatmyat, aen roengq-gaeq gwnz laengci hix gaeuqgaq, ndaw roengqgaeq miz geij duz gaeqdon, duz daih’ iek miz haj roek gaen naek, duzgaeq bwn lwenq bizbwd, gig ndei yawj.

Goenggeq daenj aen mauhgyaz, yiemzmauh gaenq vaih haujlai giz. De daeuj daengz hangzgaeq, cap ndei ci, couh dawz gaeq roengzdaej, daihsing heuh: “Caen dwg gaeq bonjdoj, sinhoj ciengx ndaej baenz, cibhaj maenz it gaen, huq caen youh bienzgeih. Vaiq daeuj cawx ho, mbouj luenh daeuj bw, haj ngoenz cij daeuj gai mbat ndeu li.” Gangj sat, de aeu genbuh mad hanh gwnz najbyak bae.

Goenggeq baez heuh sat, couh miz geij yah bae vez de. Miz yahgyaeu ndeu daj ndaw roengqgaeq gaeb duz gaeq ndeu hwnjdaej lumh bae lumh dauq, naeuz: “Mwngz dwg mbouj dwg gai noh naeuz noh cing, gai hing naeuz hing manh? Gij gaeq mwngz caen dwg gaeqdoj?” Goenggeq naeuz: “Lwnh sou rox, gaeqdoj bwn lai lwenq, gaeqswzliu bwn lai myox. Gaeq gou ciengx youq ndaw ndoengfaex, gueng raemz, haeuxyangz, megmax caeueq non.

Namzningz Si ginggvaq cinggouz yigen vunz lai le, ganbu caeueq vunz-youq cungj iugouz guh haenzfai maenhsaed Dahyunghgyangh, neix dwg gij banhfap ndei baujingq Namzningz Si cingqciengz guh hong caeueq vunz lai saedceij ndaej gvaq onj gvaq ndei, hoeng, hong neix dwg hong hung, ngaenzgoek caeueq sam caiz bae gyawz aeu, gannanz gig lai. Veiz Gozcingh nyinhnaeuz, guh haenzfai gannanz dwg hung, hoeng mbouj guh gannanz yaek engqgya hung. Baez fat raemxrongz nei, ranzcang, diemqgaihuq, gunghcangj, ranzyouq cungj deng dumh, guhneix bibi daez sim diuq damj, mboujnyawz daezgonq doenghfwngz, guh ndei gij bwh. Hong lai, cix faengeiz faenbae daeuj guh, guh hong ndawsingz gonq, liux le caiq guh hong dieghenzsingz. Genheiz gag baengh bonjfaenh, haenqrengz bae guh, binaengz guh mbanj. Fatdoengh ganbu, gunghyinz, hagseng, caeueq bouxbing daeuj yivu



Mbouj dwg gangjboq, sou yawj gaeq gou, duzdud ca mbouj lai biz naek doxlumj, duzdud bwn lwenqyamyam. Gou mbouj lumj boux guh seng’ ei q gai gaen cibcaet bet maenz, gou dwg gag ciengx gag gai hane.” Dingq de nyaenx gangj, couh miz geij yah cawx lo. Goenggeq caengh ndaej duz daihcaet, naeuz: “Duz neix roek gaen song liengx, 90 maenz, song liengx mbouj aeu cienz lo.” Sizgauh hix cawx duz ndeu, cawx ndaej gaeqdoj, de angq raixcaix.

Seiz gwn haeux, Sizgauh cam: “Meh, sou raen nohgaeq dwg mbouj gwg noh gaeqdoj?” Yah de naeuz: “Dwg ha. Beij nohgaeq geij ngoenz gonq ndeigwn haujlai.” Daxmeh riu naeuz: “Gou heuh mwngz caeueq vunz gwnzmbanj cawx mboujloek hane, noh gaeqdoj dangyienz lai ndei gwn lo.”

Daj haenx hwnj, Sizgauh cungj caeueq vunz gwnzmbanj cawx gaeq, saedcaih mbouj miz vunz gwnzmbanj daeuj gai gaeq, de cij nem boux guh seng’ ei q cawx. Gek haj ngoenz, de couh bae caeueq goenggeq haenx cawx gaeqdoj. Sizgauh doiq goenggeq naeuz: “Mwngz ciengxgaeq bonjsaeh caen ak, haj ngoenz youh ndaej gai mbat ndeu, gai song diemjcong souhaeuj roek caet bak maenz, diuzloh fatcaiz mwngz byaij ndaej deng lo.” Goenggeq riu dwk han naeuz: “Bouxvunz miz cungj bonjsaeh ak ndeu youq gwnz ndang, couh dwg diuz loh fatcaiz ndeu,

lumjbaenz de dajcaep ak, de laeueq ndaej cienz, de coih ci ak, de ra ndaej cienz …… Mwngz saenq mbouj saenq?” Sizgauh riu naeuz: “Saenq, saenq, docih mwngz! Mwngz dwg boux coengmingz ndeu!”

Miz ngoenz ndeu laj byongh-ngoenz, Sizgauh roengz laeuz daeuj byaij, sawqmw yawjraen goenggeq gai gaeq haenx ngaem gyaeuj gaex danci roengqgaeq hoengq gvaqdaej, couh dongx naeuz: “Daxgoeng, daeuj caeueq gou guhcaemz roxnaeuz daeuj cunz lwg mwngz? De youq geij laeuz?”

Goenggeq gyaeuj hix mbouj ngiengx, riu dwk dap naeuz: “Ngoenzneix gou youh laeueq ndaej 120 lai maenz lo. Ya, gou youq itlaeuz, aen laeuz neix dwg duh gou, mwngz mbouj rox ha?” “Ha? Mwngz mbouj dwg youq gwnzmbanj ciengx gaeq daeuj gai?” Sizgauh geizheih dwk cam.

Goenggeq ngiengx gyaeuj hwnj-daeuj, raen dwg Sizgauh, de doeksaetyat, gipmuengz naeuz: “Dwg mwngz ha, gangj vahcaen hawj mwngz rox, gou dwg cadawz simleix gyoengq-vunz guh seng’ ei q haenx, moix ngoenz cangguh vunzmbanj, bae hangzgaeq genj caet bet duz gaeq ndei, ciuq gyaq bihfaz cawx, dawz bae gai gaen lai canh song sam maenz. Gou ngoenz cei q lai guh sam diemjcong hong. Ngoenzciet gou lij bae song sam giz gai dem. Ndigah, geij bi neix daeuj, gou ngoenz guj laeueq ndaej bak baj maenz. Saehneix mwngz gaej lwnh hawj vunz rox ndaej lo.” “O, mwngz dwg byaij diuz loh fatcaiz neix……” Sizgauh gangj sat, ndawsim gig mbouj cwxcaih: Yawj daeuj daxmeh caeueq mehyah miz seiz hix gangj vahgyaj, dwg lau gou gvaqlaeng mbouj haengj bae cawx byaek ba? Hai, ngwz miz roen ngwz, goep miz loh goep, boux miz diuzloh fatcaiz duh boux ha!



Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangisii Cioz Siengzcoeb Liuz Giingliuj Cioz Siengzzen boiz

guh hong, aensingz lwgminz lwgminz guh, gyoengqde dingh doxcanj daeuj guh hong.

Ciuq yigen Veiz Gozcingh, Namzningz Si gyoebcomz cienmonz ligliengh, bae damqcaz caeueq sezgi. Fueng’ anq sezgi okdaeuj le, Veiz Gozcingh caennadang gyoeblnh hawj goengdaez gozvuyen mizgven bumwnz haenx, ceng ndaej gyoengqde dingjrengz. Guekgya Suijli Denlizbu bi 1972 lied gij hong guh haenzfai re raemxrongz Yunghgyangh haiej gij hanghmoeg cungdenj hongloet sui jli

daengx guek bae. Yenj Hungzconh guh boux vunzgaemhong cijveihbu haenzfai ndeu, bae Baekging aeu doxgaiq, Vuzswghiz Guekgya hai bakdou ranzcang hawj de, youzcaih de haiejbae genj.

Guekgya vih hangh hongloet neix gonqlaeng roengz le 6000 lai fanh maenz, lwgminz soujfuj camgya yivu guh hong ndaej 300 lai fanh vunzbaez.

Haenzfai guh baenz le, lai baez dingj ndaej raemxrongz laux haenx. Daegbied dwg bi 1994 ndwen 7 baez raemxrongz laux haenx, raemx sang

ndaej 75.42 mij, raemxrongz cung gij haenzfai baez youh baez, hoeng gij haenzfai Dahyunghgyangh ciuqiengh maenhdwddwd.

Veiz Gozcingh caengz ndaej raen haenzfai guh baenz, cix diuhliz Guengjsae lo, hoeng de itcig gvansim hangh hongloet neix. Namzningz baez bungqdeng raemxrongz, de cungj gig gvansim dwk cam gij cingzgvang haenzfai Dahyunghgyangh, baez dingq naeuz mbouj miz saeh, de cix angq naeuz: “Yienghneix couh ndei lo!”

(caengz sat)